

JCtorum nostrorum, qvicontra Christianos scripserunt, inter alios Domitium Ulpiatum nominat, qui rescripta Principum nefaria collegerit, ut doceret, quibus pœnis affici oporteret eos, qui se cultores Dei confiterentur. Tum hæc verba subjungit: *Quid iis facias, qui jus vocant carnificinas veterum tyrannorum, aduersus innocentes rabide sævientium?* Et cum sint in iustitiae crudelitatisque doctores; justos se esse tamen, ac prudentes videri volunt, cæci & hebetes, & rerum & veritatis ignari. Interim ne nimium laxemus frena licentiæ in omnibus causis judicandis, utile foret (meo quidem arbitratu) hoc in primis tempore, quo placuit Deo Solonem illum Galliæ nostræ concedere (magnum dico Michaelem Hospitalium) convocare Jurisconsultos complures, simulqve homines reip. gnaros, totidemqve advocatos & pragmaticos, iisqve injungere, ut conferant in unum, qvicqvid elegerint & excepserint tam ex libris Justiniani (unde pulcherrima & optima qvæqve conquirere poterunt, qui revera thesaurus erit inæstimabilis) quam ex libris Philosophorum, & deniq; experientia, quam ex usu rerum sibi peperint. Hoc modo imitabimur magnum illum